

Isi tempat kosong dengan jawapan yang betul.

Kasih Sayang Ibu Bapa Sepanjang Hayat.

pendahuluan

penutup

isi pertama

isi kedua

isi ketiga

isi keempat

Oleh hal yang demikian, maka kita perlulah sentiasa menghormati ibu bapa kita. Ingatlah bahawa keberkatan hidup seseorang anak terletak pada restu dan doa kedua-dua orang tuanya. Oleh sebab itu, kita mesti mengasihi dan menyayangi mereka hingga akhir hayat. Sekian, terima kasih.

Yang saya hormati Saudara Pengerusi Majlis, Yang Berusaha Tuan Guru Besar, panel hakim yang arif lagi bijaksana, guru-guru serta rakan-rakan yang dihormati. Selamat sejahtera saya ucapkan. Hari ini, saya akan menyampaikan syarahan yang bertajuk "Kasih Sayang Ibu Bapa Sepanjang Hayat".

Selain itu, ibu bapa telah membelanjakan wang ringgit yang banyak semata-mata untuk menyara kita. Mereka tidak pernah merungut atas kesusahan menguruskan kehidupan keluarga. Segala keperluan kita diurusnya dengan sempurna.

Ibu bapa juga merupakan orang yang paling hampir dengan kita. Setiap kali kita mempunyai masalah, merekalah orang pertama yang akan membantu kita. Mereka jugalah yang akan meleraikan segala kerumitan dan kekusutan yang dialami. Mereka adalah rakan kongsi suka duka yang tiada tandingannya.

Ibu bapa merupakan orang yang paling banyak berjasa kepada kita. Mereka telah mencurahkan sepenuh kasih sayangnya kepada kita. Oleh itu, sewajarnya kita menghormati ibu bapa sebagai membalas jasa. Jasa mereka terlalu agung bagi kita.

Seterusnya, mereka telah memberikan pendidikan yang sempurna kepada kita. Pendidikan di sekolah mahupun pendidikan agama telah diberikan kepada kita. Oleh sebab itu, kita amat perlu menghargai jasa dan pengorbanan mereka. Kasih sayang mereka kepada kita adalah kasih sayang sepanjang hayat.